

Nkore - Abakazi Ebyahandiikirwe - Wives Scriptures

AbaEfeso 5:22-24 Abakazi mugume mworobere baabaroimwe, nk'oku mworobera Mukama. 23 Manya omushaija aba omutwe gw'omukazi, nk'oku Kristo aba omutwe gw'ekigombe ky'abaikiriza; nigwo mubiri gwe, kandi we wenka niwe mujuni waakyo. 24 Nk'oku ekigombe ky'abaikiriza kyorobera Kristo, n'abakazi nikwo bashemereire kworobera baibabo.

AbaEfeso 5:31,33 Ekyahandiikirwe kigira kit: Nikyo omushaija atsigiraho ishe na nyina, akahamira aha mukazi we, bombi bakaba omubiri gumwe. 33 Mbwenu ka buri muntu akunde omukazi we nk'oku ayekunda, n'omukazi nawe k'agume atiine iba.

1 AbaKorinto 7:3-5 Omushaija ashemereire kuha omukazi we eki yaamushwereire, n'omukazi nawe ashemereire kutwaza atyo iba. 4 Ahabw'okuba omukazi tategyeka mubiri gwe, kureka gutegyekwa iba; n'omushaija tategyeka mubiri gwe, kureka gutegyekwa omukazi we. 5 Murekye kwimana, kureka shana mwaba muragaine okumara omwanya nanka, ngu mubone kwemarira omu kushaba Ruhanga; bwanyima mugarukye kuteerana, Sitaane atakaabatega ahbw'okuremwa kwezibira.

1 AbaKorinto 7:34 Kandi omukazi otashweirwe, nari omwishiki otakashweirwe, ata omutima aha bya Mukama, oku araabe oyeeziibwe omu mubiri n'omu mutima. Kwonka omukazi oshweirwe ayemerereza eby'ensi omutima, oku araagwise gye iba.

AbaKolosai 3:18 Abakazi, mugume mworobere baabaroimwe, nk'oku kishemereire ab'omuri Mukama.

1 Timoteeho 2:11-15 Omu kwegyesibwa, omukazi agume ahuname acureire. 12 Tindikwikiriza mukazi kwegyesa, nari kugira obushoboorozi aha bashaija; ashemereire kuguma acecekire. 13 Manya Adamu niwe yaabandize kuhangwa, hakakurataho Eva; 14 kandi Adamu tiwe yaabeihabeihirwe, kureka omukazi niwe yaabeihabeihirwe, akagwa omu kibi. 15 Kwonka omukazi omu kuzaara abaana aryajunwa, yaaba agumiizemu naikiriza aine rukundo, ari orikwera kandi aine emitwarize mirungi.

Kutandika 3:16 - 1 Petero 3:1-6 Naimwe bakazi 'mwe, mworobere baabaroimwe, ngu abamwe omuribo, nobu baraabe batarikwikiriza kigambo kya Ruhanga, bahindurwe emitwarize y'abakazi baabo, banu bataine ki babagambiire, 2 kureka baareeba emicwe yaanyu eshemeire

kandi erimu okutiina Ruhanga. 3 Okwecuma kwanyu kurekye kuba okw'okweshemeza aharuguru: nimutsiba eishokye, nimwehunda eby'ezaabu, nimujwara ebiragaize aha bigyere. 4 Kureka okwo kwecuma kube okw'omunda omu mitima yaanyu okw'eihunde eritarikusiisikara, ery'omutima omucureezi kandi ogutuurize, ogw'obuguzi bwingi omu maisho ga Ruhanga. 5 N'abakazi aba ira abarikwera, abaabaire bata amatsiko omuri Ruhanga, bakaba beecuma batyo kandi boorobera baibabo, 6 nka Saara oku yaabaire ayorobera Aburahamu naamweta mukama we. Naimwe hati muri bahara be mwaba nimukora gye, mutaine kintu kyona ekirikubatiinisa.

Tito 2:1-5 Kwonka iwe, guma oyegyese ebishemereire enyegyesa ehikire. 2 Yehanangirize abagurusi, barekye kusinda, babe abatarikwegiza, abarikwetegyereza, abahikire omu kwikiriza, omu kukunda n'omu kugumisiriza. 3 Abakaikuru nabo obeehanangirize otyo, bagire emitwarize y'abarikwera, batarikubeiherera bantu, nari okuba bantabo yaago; kureka babe ab'okwegyesa ebirungi, 4 babone kumanyiiza abakazi bato kukunda baibabo n'abaana baabo; 5 babe abarikwetegyereza, abatarikushambana, abarikwecurengyera eka, ab'embabazi kandi abarikworobera baibabo, ekigambo kya Ruhanga kibone kutagaywa.

1 AbaKorinto 11:5-7,10 N'omukazi weena orikushaba Ruhanga, nari orikuranga ateetwekyereire, naaba ahemwire omutwe gwe; nikyo kimwe nk'oku omutwe gwe gwakuba gumweire. 6 Omukazi ku araabe ateetwekyereire, haakiri ashare eishokye; kwonka omukazi ku kiraabe nikimuhemura okusharwa eishokye nari okutegwa, ayetwekyerere. 7 Manya omushaija tashemereire kwetwekyerera, ahabw'okuba we n'ekyeshusha kya Ruhanga kandi ekitiinwa kye; kwonka omukazi we n'ekitiinwa ky'omushaija. 10 Omukazi nikyo ashemerereire kwetwekyerera ahabwa baamaraika.

**Nfumu 12:4; 14:1; 19:13; 21:9,19; 25:24; & 27:15,16 - contentious & angry
Abakazi**

Nfumu 31:10-31 - The Virtuous Abakazi